

საქართველოს კანონი

„ბუღალტრული აღრიცხვისა და ფინანსური ანგარიშგების აუდიტის შესახებ“

საქართველოს კანონში ცვლილებების და დამატებების შეტანის თაობაზე“

მუხლი 1. „ბუღალტრული აღრიცხვისა და ფინანსური ანგარიშგების აუდიტის შესახებ“ საქართველოს კანონში (საქართველოს საკანონმდებლო მაცნე ([www.matsne.gov.ge](http://www.matsne.gov.ge)), 29.06.2012, № 6598 ) შეტანილ იქნეს შემდეგი ცვლილება:

1. მე-2 მუხლის:

ა) „ი“ პუნქტი ჩამოყალიბდეს შემდეგი რედაქციით:

„ი) პროფესიული მომსახურება – მომსახურება, რომელიც მოითხოვს ბუღალტრულ და მასთან დაკავშირებულ უნარებს, როდესაც აუდიტორი/აუდიტორული ფირმა ახორციელებს მომსახურებას საბუღალტრო და აუდიტორული მომსახურების სფეროში“.

ბ) „ს“ პუნქტი ჩამოყალიბდეს შემდეგი რედაქციით:

ს) აკრედიტებული პროფესიული ორგანიზაცია – ბუღალტერთა ან/და აუდიტორთა პროფესიული ორგანიზაცია, რომელიც საქართველოს კანონმდებლობის შესაბამისად რეგისტრირებულია არასამეწარმეო (არაკომერციულ) იურიდიულ პირად და არის ამ კანონის მოთხოვნების შესაბამისად აკრედიტებული პირი.

2. მე-3 მუხლის:

ა) მე-10 პუნქტი ჩამოყალიბდეს შემდეგი რედაქციით:

10. ფინანსური ანგარიშგების საერთაშორისო სტანდარტებისა (IFRS) და მცირე და საშუალო საწარმოების ფინანსური ანგარიშგების საერთაშორისო სტანდარტების (IFRS for SMEs) საქართველოს სახელმწიფო ენაზე ხელმისაწვდომობის მიზნით ისინი ქართულ ენაზე უნდა თარგმნონ და გამოსცენ აკრედიტებულმა პროფესიულმა ორგანიზაციებმა.

ბ) მე-11 პუნქტი ჩამოყალიბდეს შემდეგი რედაქციით:

„11. ამ მუხლის მე-10 პუნქტში აღნიშნულ, ქართულ ენაზე თარგმნილ ფინანსური ანგარიშგების საერთაშორისო სტანდარტებსა (IFRS) და მცირე და საშუალო საწარმოების ფინანსური ანგარიშგების საერთაშორისო სტანდარტებს (IFRS for SMEs), აგრეთვე აკრედიტებული პროფესიული ორგანიზაციების მიერ დადგენილ არასამეწარმეო

(არაკომერციული) იურიდიული პირების ფინანსური ანგარიშგების ადგილობრივ (ეროვნულ) სტანდარტებს რეგისტრაციაში ატარებს და აქვეყნებს ბუღალტრული აღრიცხვისა და აუდიტის საზედამხედველო საბჭო“.

3. მე-5 მუხლის:

ა) მე-5 პუნქტი პუნქტი ჩამოყალიბდეს შემდეგი რედაქციით:

5. აუდიტის საერთაშორისო სტანდარტების (ISA) საქართველოს სახელმწიფო ენაზე ხელმისაწვდომობის მიზნით ისინი ქართულ ენაზე უნდა თარგმნონ და გამოსცენ აკრედიტებულმა პროფესიულმა ორგანიზაციებმა.

ბ) მე-6 პუნქტი პუნქტი ჩამოყალიბდეს შემდეგი რედაქციით:

6. ამ მუხლის მე-5 პუნქტში აღნიშნულ, ქართულ ენაზე თარგმნილ აუდიტის საერთაშორისო სტანდარტებს (ISA) რეგისტრაციაში ატარებს და აქვეყნებს ბუღალტრული აღრიცხვისა და აუდიტის საზედამხედველო საბჭო.

4. მე-6 მუხლის:

ა) მე-2 პუნქტი ჩამოყალიბდეს შემდეგი რედაქციით:

2. რეესტრს აწარმოებს ბუღალტრული აღრიცხვისა და აუდიტის საზედამხედველო საბჭო.

ბ) მე-4 პუნქტი ჩამოყალიბდეს შემდეგი რედაქციით:

4. საქართველოში რეგისტრირებული იურიდიული პირის, უცხოეთში რეგისტრირებული პირის საქართველოში არსებული ფილიალის ან ფიზიკური პირის მიერ ამ მუხლის მე-6–მე-9 პუნქტებში აღნიშნული შესაბამისი მოთხოვნების დაკმაყოფილების შემთხვევაში აკრედიტებული პროფესიული ორგანიზაცია ვალდებულია მიმართოს ბუღალტრული აღრიცხვისა და აუდიტის საზედამხედველო საბჭოს საქართველოში რეგისტრირებული პირის, უცხოეთში რეგისტრირებული პირის საქართველოში არსებული ფილიალის ან ფიზიკური პირის შესაბამის რეესტრში დასარეგისტრირებლად და წარუდგინოს მათ მიერ ამ მუხლის მე-6 - მე-9 პუნქტებში აღნიშნული მოთხოვნის დაკმაყოფილების დამადასტურებელი დოკუმენტები;

დ) მე-6 პუნქტის „დ“ ქვეპუნქტი ჩამოყალიბდეს შემდეგი რედაქციით:

დ) ხარისხის კონტროლის სისტემის მონიტორინგის გავლის შემდეგ მიღებული ჰქონდეს დადებითი დასკვნა;

ე) მე-7 პუნქტის „დ“ ქვეპუნქტი ჩამოყალიბდეს შემდეგი რედაქციით:

დ) ხარისხის კონტროლის სისტემის მონიტორინგის გავლის შემდეგ მიღებული ჰქონდეს დადებითი დასკვნა;

ვ) მე-11 პუნქტი ამოღებულ იქნას.

ზ) მე-12 პუნქტი ამოღებულ იქნას.

თ) მე-13 პუნქტი ჩამოყალიბდეს შემდეგი რედაქციით:

13. საქართველოს მთავრობა უფლებამოსილია დაადგინოს იმ სახელმწიფოთა ჩამონათვალი, რომელთა უფლებამოსილი ორგანოების მიერ სერტიფიცირებულ პირად აღიარებული ფიზიკური პირი სერტიფიცირებულ პირად უნდა აღიარონ აკრედიტებულმა პროფესიულმა ორგანიზაციებმა.

ი) მე-14 პუნქტი ჩამოყალიბდეს შემდეგი რედაქციით:

14. თუ ბუღალტრული აღრიცხვისა და აუდიტის საზედამხედველო საბჭო დაადასტურებს, რომ აკრედიტებული პროფესიული ორგანიზაციის მიერ დადგენილი პროფესიული სერტიფიცირების სტანდარტი იგივეა, რაც სერტიფიცირების სტანდარტი, რომლითაც ეს აკრედიტებული პროფესიული ორგანიზაცია ახორციელებდა პირთა სერტიფიცირებას აკრედიტაციამდე, აკრედიტებული პროფესიული ორგანიზაცია უფლებამოსილია თავის მიერ ამ სერტიფიცირების სტანდარტის შესაბამისად სერტიფიცირებული პირი სერტიფიცირებულ პირად აღიაროს და მიმართოს ბუღალტრული აღრიცხვისა და აუდიტის საზედამხედველო საბჭოს მისი შესაბამისი ტიპის რეესტრში რეგისტრაციისათვის.

კ) მე-17 პუნქტი ჩამოყალიბდეს შემდეგი რედაქციით:

17. ამ მუხლის მე-16 და მე-19 პუნქტებით გათვალისწინებული ინფორმაციის მიღების შემთხვევაში, აკრედიტებული პროფესიული ორგანიზაცია დაუყოვნებლივ მიმართავს ბუღალტრული აღრიცხვისა და აუდიტის საზედამხედველო საბჭოს, რომელიც ვალდებულია აუდიტორი/აუდიტორული ფირმა 5 სამუშაო დღის ვადაში ამოიღოს შესაბამისი რეესტრიდან.

5. მე-8 მუხლის:

ა) მე-4 პუნქტი ჩამოყალიბდეს შემდეგი რედაქციით:

4. ხარისხის კონტროლის საერთაშორისო სტანდარტის (ISQC) საქართველოს სახელმწიფო ენაზე ხელმისაწვდომობის მიზნით ის ქართულ ენაზე უნდა თარგმნონ და გამოსცენ აკრედიტებულმა პროფესიულმა ორგანიზაციებმა.

ბ) მე-5 პუნქტი ჩამოყალიბდეს შემდეგი რედაქციით:

5. ამ მუხლის მე-4 პუნქტში აღნიშნულ, ქართულ ენაზე თარგმნილ ხარისხის კონტროლის საერთაშორისო სტანდარტს (ISQC) რეგისტრაციაში ატარებს და აქვეყნებს ბუღალტრული აღრიცხვისა და აუდიტის საზედამხედველო საბჭო.

გ) მე-6 პუნქტი ჩამოყალიბდეს შემდეგი რედაქციით:

6. აუდიტორის/აუდიტორული ფირმის ხარისხის კონტროლის სისტემის მონიტორინგს აკრედიტებული პროფესიული ორგანიზაციის დონეზე ახორციელებს ის აკრედიტებული პროფესიული ორგანიზაცია, რომელშიც გაწევრებულია ეს აუდიტორი/აუდიტორული ფირმა. ხარისხის კონტროლის სისტემის მონიტორინგს და ჩატარებული აუდიტის მოკვლევას სახელმწიფო საზედამხედველო ფუნქციის ფარგლებში ახორციელებს ბუღალტრული აღრიცხვისა და აუდიტის საზედამხედველო საბჭო. ხარისხის კონტროლის სისტემის მონიტორინგი უნდა განხორციელდეს 3 წელიწადში ერთხელ მაინც.

დ) მე-8 პუნქტი ჩამოყალიბდეს შემდეგი რედაქციით:

8. ხარისხის კონტროლის სისტემის მონიტორინგი ხორციელდება ბუღალტრული აღრიცხვისა და აუდიტის საზედამხედველო საბჭოს მიერ რეგისტრირებული ხარისხის კონტროლის სისტემის მონიტორინგის დებულების შესაბამისად, რომელსაც ერთობლივად შეიმუშავენ და ბუღალტრული აღრიცხვისა და აუდიტის საზედამხედველო საბჭოს რეგისტრაციისათვის წარუდგენენ აკრედიტებული პროფესიული ორგანიზაციები.

ე) მე-10 პუნქტი ჩამოყალიბდეს შემდეგი რედაქციით:

10. ხარისხის კონტროლის სისტემის მონიტორინგის განხორციელებიდან 6 თვის ვადაში ხარისხის კონტროლის შემმოწმებელი ხარისხის კონტროლის საერთაშორისო სტანდარტის (ISQC) შესაბამისად ადგენს მონიტორინგის დასკვნას, რომლის თითო ეგზემპლარი გადაეცემა აუდიტორს/აუდიტორულ ფირმას, აკრედიტებულ პროფესიულ ორგანიზაციას და ბუღალტრული აღრიცხვისა და აუდიტის საზედამხედველო საბჭოს.

ვ) მე-12 პუნქტი ჩამოყალიბდეს შემდეგი რედაქციით:

12. მონიტორინგის დასკვნა შეიძლება იყოს დადებითი ან უარყოფითი.

ზ) მე-15 პუნქტი ჩამოყალიბდეს შემდეგი რედაქციით:

15. მონიტორინგის დასკვნას იხილავს აკრედიტებული პროფესიული ორგანიზაცია და იღებს ამ მუხლით გათვალისწინებულ გადაწყვეტილებას როგორც აუდიტორის/აუდიტორული ფირმის, ისე აუდიტორულ ფირმაში დასაქმებული ყველა სერტიფიცირებული პირის მიმართ. მიღებული გადაწყვეტილება 3 სამუშაო დღის ვადაში ეგზავნება ბუღალტრული აღრიცხვისა და აუდიტის საზედამხედველო საბჭოს.

თ) მე-17 პუნქტი ჩამოყალიბდეს შემდეგი რედაქციით:

17. თუ აუდიტორი/აუდიტორული ფირმა ვერ გაივლის ხარისხის კონტროლის სისტემის მონიტორინგს, აკრედიტებული პროფესიული ორგანიზაციის მიმართვის საფუძველზე ბუღალტრული აღრიცხვისა და აუდიტის საზედამხედველო საბჭო ვალდებულია ამოიღოს იგი შესაბამისი რეესტრიდან.

ი) მე-18 პუნქტი ჩამოყალიბდეს შემდეგი რედაქციით:

18. ხარისხის კონტროლის სისტემის მონიტორინგის შედეგებიდან გამომდინარე, შესაბამისი საფუძველის არსებობისას, აკრედიტებული პროფესიული ორგანიზაციის მიმართვის საფუძველზე ბუღალტრული აღრიცხვისა და აუდიტის საზედამხედველო საბჭო ვალდებულია აუდიტორი/აუდიტორული ფირმა ერთი ტიპის რეესტრიდან მეორე ტიპის რეესტრში გადაიყვანოს.

კ) მე-19 პუნქტი ჩამოყალიბდეს შემდეგი რედაქციით:

19. მონიტორინგის დასკვნის შედეგებიდან გამომდინარე, მონიტორინგის განმახორციელებელი სერტიფიცირებული პირის მიმართ იღებს გადაწყვეტილებას:

ა) სერტიფიკატის მოქმედების შენარჩუნების თაობაზე;

ბ) შეცდომების გამოსასწორებლად ვადის განსაზღვრის თაობაზე;

გ) სერტიფიკატის მოქმედების შეჩერების თაობაზე.

ლ) მე-20 პუნქტი ჩამოყალიბდეს შემდეგი რედაქციით:

20. მონიტორინგის განმახორციელებელი უფლებამოსილია სერტიფიცირებული პირის მიმართ მიიღოს ამ მუხლის მე-19 პუნქტით გათვალისწინებული ერთი ან მეტი გადაწყვეტილება.

მ) 21-ე პუნქტი ჩამოყალიბდეს შემდეგი რედაქციით:

21. მონიტორინგის განმახორციელებლის მიერ განსაზღვრულ ვადაში სერტიფიცირებული პირის მიერ შეცდომების გამოუსწორებლობის შემთხვევაში სერტიფიკატის მოქმედება შეჩერდება. შეცდომების გამოუსწორებლობისას სერტიფიცირებული პირის მიმართ არსებული შენიშვნები ექვემდებარება გამოქვეყნებას.

ნ) 22-ე პუნქტი ჩამოყალიბდეს შემდეგი რედაქციით:

22. ამ მუხლით გათვალისწინებულ შემთხვევებში სერტიფიკატის მოქმედების შეჩერებისას ფიზიკურ პირს სერტიფიკატის მოქმედების განახლების მოთხოვნით მიმართვა შეუძლია სერტიფიკატის მოქმედების შეჩერებიდან 1 წლის შემდეგ.

6. მე-9 მუხლის:

ა) მე-2 პუნქტი ჩამოყალიბდეს შემდეგი რედაქციით:

2. პროფესიონალი ბუღალტრების ეთიკის კოდექსი (IESBA Code) ქართულ ენაზე უნდა თარგმნონ და გამოსცენ აკრედიტებულმა პროფესიულმა ორგანიზაციებმა.

ბ) მე-3 პუნქტი ჩამოყალიბდეს შემდეგი რედაქციით:

3. ამ მუხლის მე-2 პუნქტში აღნიშნულ, ქართულ ენაზე თარგმნილ პროფესიონალი ბუღალტრების ეთიკის კოდექსს (IESBA Code) აკრედიტებული პროფესიული ორგანიზაციები რეგისტრაციაში გასატარებლად და გამოსაქვეყნებლად წარუდგენენ ბუღალტრული აღრიცხვისა და აუდიტის საზედამხედველო საბჭოს.

გ) მე-8 პუნქტი ჩამოყალიბდეს შემდეგი რედაქციით:

8. ამ მუხლის პირველი, მე-4 ან მე-5 პუნქტით გათვალისწინებული მოთხოვნების შეუსრულებლობის შემთხვევაში:

ა) აუდიტორს/აუდიტორულ ფირმას დისციპლინურ პასუხისმგებლობას დააკისრებს ის აკრედიტებული პროფესიული ორგანიზაცია, რომელშიც გაწევრებულია იგი. 3 სამუშაო დღის ვადაში აკრედიტებული პროფესიული ორგანიზაცია ინფორმაციას აუდიტორისთვის/აუდიტორული ფირმისათვის დაკისრებული დისციპლინარული პასუხისმგებლობის შესახებ აცნობებს ბუღალტრული აღრიცხვისა და აუდიტის საზედამხედველო საბჭოს;

ბ) სავალდებულო აუდიტი ჩატარებულად არ ჩაითვლება.

7. მე-10 მუხლის მე-5 პუნქტი ჩამოყალიბდეს შემდეგი რედაქციით:

5. ამ მუხლის მე-2 პუნქტით გათვალისწინებული მოთხოვნების შეუსრულებლობის შემთხვევაში მონიტორინგის განმახორციელებლის მიერ აუდიტორის/აუდიტორული ფირმის მიმართ დისციპლინური პასუხისმგებლობის სახით შესაძლებელია გამოყენებულ იქნეს აკრედიტებული პროფესიული ორგანიზაციის წევრობის შეჩერებაც.

8. მე-11 მუხლის:

2. ბუღალტერთა ან/და აუდიტორთა პროფესიული ორგანიზაციის აკრედიტაციას ახორციელებს ბუღალტრული აღრიცხვისა და აუდიტის საზედამხედველო საბჭო.

ბ) მე-3 პუნქტი ჩამოყალიბდეს შემდეგი რედაქციით:

3. ბუღალტერთა ან/და აუდიტორთა პროფესიული ორგანიზაცია აკრედიტაციას იღებს იმ შემთხვევაში, თუ მას აქვს შიგა პოლიტიკა და პროცედურები ქვემოთ ჩამოთვლილ საკითხებთან მიმართებით:

ა) თავისი წევრი აუდიტორების/აუდიტორული ფირმების ხარისხის კონტროლის სისტემის მონიტორინგის მექანიზმი;

ბ) მოთხოვნები სერტიფიცირებულ პირთა განათლების მიმართ და მათი სერტიფიცირების სისტემა;

გ) თავისი წევრების მიერ პროფესიონალი ბუღალტრების ეთიკის კოდექსის (IESBA Code) მოთხოვნების დაცვის უზრუნველყოფის სისტემა;

დ) დისციპლინური პასუხისმგებლობის დაკისრების სისტემა.

გ) მე-4 პუნქტი ამოღებულ იქნას

დ) მე-5 პუნქტი ამოღებულ იქნას

ე) მე-6 პუნქტი ჩამოყალიბდეს შემდეგი რედაქციით:

6. ბუღალტერთა ან/და აუდიტორთა პროფესიული ორგანიზაციის აკრედიტაციის პირობებთან შესაბამისობის მონიტორინგს ახორციელებს ბუღალტრული აღრიცხვისა და აუდიტის საზედამხედველო საბჭო. მონიტორინგი ხორციელდება 3 წელიწადში ერთხელ.

ვ) მე-7 პუნქტი ამოღებულ იქნას

ზ) მე-8 პუნქტი ამოღებულ იქნას

თ) მე-9 პუნქტი ამოღებულ იქნას

ი) მე-10 პუნქტი ამოღებულ იქნას

კ) მე-11 პუნქტი ჩამოყალიბდეს შემდეგი რედაქციით:

11. აკრედიტაციის წესს, ამ მუხლის მე-3 პუნქტით განსაზღვრული მოთხოვნების შესაბამისად, ადგენს ბუღალტრული აღრიცხვისა და აუდიტის საზედამხედველო საბჭო.

9. მე-12 მუხლის:

ა) პირველი პუნქტი ჩამოყალიბდეს შემდეგი რედაქციით:

1. აკრედიტებული პროფესიული ორგანიზაციები ერთობლივად ვალდებული არიან:

ა) ქართულ ენაზე თარგმნონ, ბუღალტრული აღრიცხვისა და აუდიტის საზედამხედველო საბჭოს რეგისტრაციაში გასატარებლად წარუდგინონ და გამოსცენ:

ა.ა) ფინანსური ანგარიშგების საერთაშორისო სტანდარტები (IFRS);

ა.ბ) მცირე და საშუალო საწარმოების ფინანსური ანგარიშგების საერთაშორისო სტანდარტები (IFRS for SMEs);

ა.გ) აუდიტის საერთაშორისო სტანდარტები (ISA);

ა.დ) ხარისხის კონტროლის საერთაშორისო სტანდარტი (ISQC);

ა.ე) პროფესიონალი ბუღალტრების ეთიკის კოდექსი (IESBA Code);

ბ) დაადგინონ, ბუღალტრული აღრიცხვისა და აუდიტის საზედამხედველო საბჭოს დასამტკიცებლად და რეგისტრაციაში გასატარებლად წარუდგინონ და გამოსცენ:

ბ.ა) ხარისხის კონტროლის სისტემის შემმოწმებელთა სერტიფიცირების წესები;

ბ.ბ) ხარისხის კონტროლის სისტემის მონიტორინგის დებულება, ბუღალტერთა საერთაშორისო ფედერაციის (IFAC) მოთხოვნების შესაბამისად.

ბ) მე-2 პუნქტი ჩამოყალიბდეს შემდეგი რედაქციით:

2. აკრედიტებული პროფესიული ორგანიზაციის ფუნქციებია:

ა) არასამეწარმეო (არაკომერციული) იურიდიული პირების ფინანსური ანგარიშგების ადგილობრივი (ეროვნული) სტანდარტების შედგენა, გამოცემა და ბუღალტრული აღრიცხვისა და აუდიტის საზედამხედველო საბჭოსათვის სარეგისტრაციოდ წარდგენა;

ბ) ბუღალტრული აღრიცხვის სარეკომენდაციო (სანიმუშო) ანგარიშთა გეგმის შემუშავება და გამოცემა;

გ) ბუღალტერთა საკვალიფიკაციო სწავლებების (ტრენინგების) განხორციელება;

დ) ფიზიკურ პირთა სერტიფიცირება, კერძოდ:

დ.ა) ბუღალტერთა (სერტიფიცირებულ პროფესიონალ ბუღალტრად და სერტიფიცირებულ ბუღალტრად) სერტიფიცირება;

დ.ბ) ხარისხის კონტროლის სისტემის შემმოწმებელთა სერტიფიცირება ამ მუხლის პირველი პუნქტის „ბ.ა“ ქვეპუნქტში აღნიშნული სერტიფიცირების წესების შესაბამისად;

დ.გ) ადმინისტრაციულ ორგანოსთან ან სხვა დაინტერესებულ პირთან შეთანხმებით სხვა სახის სერტიფიცირების განხორციელება;

ე) დისციპლინური საქმის წარმოება თავისი წევრი აუდიტორის/ აუდიტორული ფირმის და ამ აუდიტორულ ფირმაში დასაქმებული სერტიფიცირებული პირის მიმართ;

ზ) თავისი წევრების მიერ ეთიკის წესების მოთხოვნების დაცვის უზრუნველყოფის კონტროლი;

თ) ხარისხის კონტროლის სისტემის მონიტორინგის განხორციელება თავის დონეზე ამ მუხლის პირველი პუნქტის „ბ.ბ“ ქვეპუნქტში აღნიშნული დებულების შესაბამისად;

ი) თავის მიერ სერტიფიცირებულ პირთა სიის საკუთარ ვებგვერდზე გამოქვეყნება;

#### 10. მე-15 მუხლის:

ა) მე-2 პუნქტი ჩამოყალიბდეს შემდეგი რედაქციით:

2. მონიტორინგის დასკვნა გასაჩივრდება მონიტორინგის განმახორციელებლის გადაწყვეტილებასთან ერთად.

ბ) მე-3 პუნქტი ჩამოყალიბდეს შემდეგი რედაქციით:

3. მონიტორინგის დასკვნის თაობაზე მონიტორინგის განმახორციელებლის გადაწყვეტილება აუდიტორმა, აუდიტორულმა ფირმამ ან აუდიტორულ ფირმაში დასაქმებულმა სერტიფიცირებულმა პირმა შესაძლებელია გაასაჩივროს სასამართლოში, გადაწყვეტილების ჩაბარებიდან 30 დღის ვადაში.

#### 11. მე-16 მუხლის:

ა) მე-4 პუნქტი ჩამოყალიბდეს შემდეგი რედაქციით:

4. ამ მუხლის მე-3 პუნქტში აღნიშნულ სერტიფიცირებულ პირს და აუდიტორულ ფირმას, რომელსაც დაქირავებული ჰყავს ასეთი სერტიფიცირებული პირი, უფლება აქვს, რეგისტრირებული იყოს მე-6 მუხლის მე-5 პუნქტით განსაზღვრული ნებისმიერი ტიპის რეესტრში.

ბ) მე-5 პუნქტი ჩამოყალიბდეს შემდეგი რედაქციით:

5. აკრედიტებულმა პროფესიულმა ორგანიზაციებმა 2013 წლის 1 ივლისამდე ერთობლივად უზრუნველყონ ბუღალტერთა (სერტიფიცირებულ პროფესიონალ ბუღალტრად და სერტიფიცირებულ ბუღალტრად) სერტიფიცირების პროგრამების შემუშავება.

გ) მე-6 პუნქტი ჩამოყალიბდეს შემდეგი რედაქციით:

6. აკრედიტებულმა პროფესიულმა ორგანიზაციებმა, 2014 წლის 1 იანვრამდე ერთობლივად უზრუნველყოს ხარისხის კონტროლის შემმოწმებლის სერტიფიცირების პროგრამისა და ხარისხის კონტროლის სისტემის მონიტორინგის დებულების შემუშავება.

დ) მე-12 პუნქტი ჩამოყალიბდეს შემდეგი რედაქციით:

12. აუდიტორს/აუდიტორულ ფირმას უფლება აქვს, ჩაატაროს ამ კანონის მე-7 მუხლის მე-4 პუნქტის „ა“ და „ბ“ ქვეპუნქტებით გათვალისწინებული სუბიექტების 2012 და 2013 წლის ფინანსური ანგარიშგების აუდიტი, მიუხედავად იმისა, თუ რომელი ტიპის რეესტრშია რეგისტრირებული.

ე) მე-13 პუნქტი ჩამოყალიბდეს შემდეგი რედაქციით:

13. 2014 წლის 1 იანვრამდე ამ კანონში დამატების შეტანის გზით განისაზღვროს ბუღალტრული აღრიცხვისა და აუდიტის საზედამხედველო საბჭოს შექმნისა და საქმიანობის წესი, რომელიც ძალაში შევა არა უგვიანეს 2014 წლის 1 იანვრისა.

ვ) დაემატოს მე-15 პუნქტი:

15. პერიოდი ბუღალტრული აღრიცხვისა და აუდიტის საზედამხედველო საბჭოს მიერ პროფესიული ორგანიზაციების აკრედიტაციის განხორციელებამდე განისაზღვროს გარდამავალ პერიოდად. აღნიშნულ პერიოდში აუდიტორების / აუდიტორული ფორმების გაწევრება პროფესიულ ორგანიზაციებში არ მოითხოვება.

ზ) დაემატოს მე-16 პუნქტი:

16. ამ კანონის მე-11 მუხლის მე-11 პუნქტით შემუშავებული აკრედიტაციის წესი შესათანხმებლად წარედგინება საქართველოს პარლამენტის საფინანსო-საბიუჯეტო კომიტეტს.

მუხლი 2. ეს კანონი ამოქმედდეს გამოქვეყნებისთანავე